



REPUBLIKA E SHQIPËRISË
KRYEMINISTRIA

AGJENCIA E OFRIMIT TË SHËRBIMEVE PUBLIKE TË INTEGRUARA (ADISA)

RAPORTI I MONITORIMIT 12-MUJORI 2022

M I R A T O I

Grupi i Menaxhimit Strategjik

Ermonela XHAFA

Taulant PENGILI

Flavio BARÇI

MARS 2023
ADISA

Tabela e përmbajtjes

I.	Hyrje	3
II.	Qëllimet, objektivat dhe treguesit e performancës.....	3
	A. Treguesit e performancës ne nivel qëllimi	4
	B. Treguesit e performancës në nivel objektivi	4
III.	Buxheti i miratuar dhe faktik për 12 mujorin viti 2022	10

• Hyrje

Agjencia e Ofrimit të Shërbimeve Publike të Integruara (ADISA) është person juridik publik, i organizuar në formën e agjencisë autonome të krijuar me Ligjin nr. 13/2016 “Për mënyrën e ofrimit të shërbimeve publike në sportel në Republikën e Shqipërisë”.

Në zbatim të Ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, Ligjit nr. 115 datë 25.11.2021 “Për buxhetin e vitit 2022” dhe mbështetur në Udhëzimin nr. 22, datë 17.11.2016 “Për procedurat standarde të monitorimit të buxhetit në Njësitë e Qeverisjes Qendrore”, po Ju paraqesim raportin e monitorimit të zbatimit të buxhetit për 12-mujorin e vitit 2022.

Në realizimin e këtij raporti Ekipi i Menaxhimit të Programit ka bërë monitorimin e vazhdueshëm nëpërmjet procesit të vlerësimit dhe krahasimit të treguesve faktik të performancës me ata të planifikuar. Ky raport në vijim është miratuar nga Grupi i Menaxhimit Strategjik.

Qëllimi i këtij monitorimi ishte ndjekja e vazhdueshme e arritjes së objektivave të synuar të përcaktuar tashmë në deklaratën e programit “Transformimin e mënyrës së ofrimit të shërbimeve në Shqipëri përmes qasjes me në qendër qytetarin duke realizuar ndarjen funksionale dhe integrimin e shërbimeve publike në sportel, zhvillimin e kanaleve të ofrimit të shërbimeve, marrjen e opinioneve të qytetarëve dhe monitorimin e lëvrimin të shërbimeve të standardizuara.”

Në përfundim të këtij raporti, informacioni i marrë shërbeu për të përmirësuar procesin e planifikimit dhe menaxhimit të buxhetit për periudhën në vijim. Ekipi i Menaxhimit të Programit ka kryer monitorimin e objektivave bazuar në treguesit e performancës, në sasi dhe vlerë për produktet, si një proces që lidh realizimin e objektivave dhe produkteve me fondet përkatëse.

Në vijim të këtij raporti do të gjeni një informacion të hollësishëm, të problematikave, mangësive të vërejtura, ecurinë e realizimit të qëllimit dhe objektivave të politikës, realizimin e produkteve krahasuar me planin në terma sasiorë dhe cilësorë shoqëruar me argumentet përkatës, konkluzionet si dhe propozimet konkrete për periudhën në vijim në lidhje me ndryshimet për rishikimin apo jo të politikës së programit apo propozime të tjera për përmirësimin e situatës.

Nga data 1 maj 2022, Kryeministri ka bërë me dije se çdo shërbim publik do të ofrohet vetëm online dhe nuk do të ketë më sportele fizike, përveç atyre shërbimeve që kërkojnë akoma prezencë fizike të qytetarëve, si një hap shumë i rëndësishëm për të shmangur korrupsionin, pritjet në radhë të qytetarëve, zvarritjeve për marrjen e një dokumenti shtetëror. Në zbatim të nenit 61 të Ligjit 107/2021 “Për bashkëqeverisjen” dhe Vendimit nr. 252, datë 29.04.2022 të Këshillit të Ministrave “Për procedurat e ofrimit të shërbimeve on-line nga institucionet shërbim-ofruese dhe për metodologjinë e monitorimit e të kontrollit të veprimtarisë administrative të ofrimit të tyre” u vendos mbyllja e të gjitha sporteleve, që nuk kërkojnë prezencë fizike të qytetarëve dhe ofrimin e tyre vetëm online në portalin e-albania.

Aktualisht, Agjencia e Ofrimit të Shërbimeve Publike të Integruara (ADISA), në zbatim të akteve ligjore në kuadër të ofrimit të shërbimeve publike vetëm online dhe Urdhërit të Kryeministrit nr. 87 datë 13.05.2022 “Për angazhimin e strukturave të Agjencisë së Ofrimit të Shërbimeve Publike të Integruara (ADISA) për të bashkëpunuar me Agjencinë për Dialog dhe Bashkëqeverisje (ADB), për realizimin e disa detyrave lidhur me ofrimin e shërbimeve” po bashkëpunon me Agjencinë për Dialog dhe Bashkëqeverisje (ADB) lidhur me:

- Monitorimin e zbatimit të afateve të përdorimit të Sistemit të Qarkullimit të Dokumenteve me Nënshkrim Elektronik (SQDNE), në rastet kur duhet të ketë

shkëmbim dokumentacioni shoqëruet ndërmjet institucioneve, deri në marrjen e shërbimit e të dokumentit përfundimtar me vulë elektronike ose nënshkrim elektronik nga qytetarët dhe subjektet sipas afateve ligjore, si dhe;

- Ndjekjen e ecurisë së ankesave të administruara nga ADB-ja për mënyrën e ofrimit të shërbimeve nga institucionet shtetërore në nivel qarku.

Qëllimet, objektivat dhe treguesit e performancës.

Agjencia e Ofrimit të Shërbimeve Publike të Integruara (ADISA) ka vijuar me kryerjen e shpenzimeve buxhetore brenda programit të vetëm buxhetor me emërtesën: **“Menaxhimi dhe Zhvillimi i Administratës Publike”** ku përfshihet buxheti i miratuar dhe alokuar për vitin buxhetor 2022, i ndarë sipas artikujve ekonomikë.

Nëpërmjet këtij programi synohet konsolidimi i rregullave për ofrimin e shërbimeve publike të integruara ndaj publikut në mënyrë të drejtëpërdrejtë, nëpërmjet sporteleve në Qendrat e Ofrimit të Shërbimeve Publike të Integruara, përmes heqjes së pengesave administrative dhe ofrimit të shërbimeve në mënyrë të shpejtë, efikase, transparente dhe me cilësi të lartë deri më 31 dhjetor 2022.

Për matjen e performancës së programit nga Ekipi i Menaxhimit të Programit janë evidentuar dhe matur treguesit në nivel qëllimi dhe treguesit në nivel objektiv, si me poshtë vijon:

A. Treguesit e performancës në nivel qëllimi

1. Numri i shërbimeve të ri-inxhinieruara;
2. Numri i shërbimeve të ofruara nga Qendrat e Integruara ndaj totalit të shërbimeve publike;
3. Rritja e kënaqësisë së qytetarëve në marrjen e shërbimeve në sportelet ADISA;

Realizimi i tyre paraqitet në tabelën më poshtë:

Treguesit e Performancës në nivel Qëllimi	Plan(progresive)	Fakt(progresive)	% Realizimit
Numri i shërbimeve të ri-inxhinieruara	538	538	100%
Numri i shërbimeve të ofruara nga Qendrat e Integruara ndaj totalit të shërbimeve publike	1207 (Q) 70 (V)	1207(Q) 70 (V)	100%
Rritja e kënaqësisë së qytetarëve në marrjen e shërbimeve në sportelet ADISA	80%	100%	125%

B. Treguesit e performancës në nivel objektiv

1. Numri i Qendrave/Njësiave të Ofrimit të Shërbimeve Publike të Integruara;
2. Numri i Bashkive (jo qendër-qarku) në të cilën ADISA është prezent nëpërmjet sporteleve të saj;
3. Numri i kartelave informative të standardizuara për shërbimet publike ndaj totalit të shërbimeve publike;

4. Numri i formularëve të aplikimit, të standardizuar për shërbimet publike;
5. Matja e kohës së shërbimit në sportelet pritëse.

Realizimi i tyre paraqitet në tabelën më poshtë:

Treguesit e Performancës në nivel Objektivi	Plan	Fakt	% realizimit
Numri i Qendrave/Njësive të Ofrimit të Shërbimeve Publike të Integruara	11	10	91%
Numri i Bashkive (jo qendër-qarku) në të cilën ADISA është prezent nëpërmjet sporteleve të saj	14	13	93%
Numri i kartelave informative të standardizuara për shërbimet publike ndaj totalit të shërbimeve publike	1300	1207	93 %
Numri i formularëve të aplikimit, të standardizuar për shërbimet publike	380	363	95 %
Matja e kohës së shërbimit në sportelet pritëse. (*)	5'	5'	100%

*Koha faktike e matur në sportelet pritëse ADISA nuk i referohet më aplikimit të marrë nga sportelistët por asistimit të qytetarëve në kryerjen e aplikimit online në portalin e-albania.

Më poshtë po Ju paraqesim një argumentim të shkurtër të vlerave të realizimit të vendosura nga ana jonë, si më poshtë:

- Treguesi A.1 - Numri i shërbimeve të ri-inxhinieruara.

Gjatë periudhës raportuese ADISA ka qenë e angazhuar në ri-inxhinierimin e shërbimeve publike, i cili ka si qëllim zhvillimin e një procedure administrative midis institucioneve të administratës shtetërore, përgjegjës për ofrimin e shërbimeve publike dhe Agjencisë për Ofrimin e Shërbimeve Publike të Integruara (ADISA), me qëllim evidentimin e gjendjes aktuale të ofrimit të shërbimeve publike, dokumentimin e kësaj gjendjeje, si edhe thjeshtimin e procedurës, nëpërmjet eliminimit të hapave dhe dokumenteve të panevojshëm, si edhe kur është e mundur, ofrimin e tyre nëpërmjet mjeteve të Teknologjisë së Informacionit dhe Komunikimit (TIK). Thjeshtëzimi dhe optimizimi i procedurave dhe dokumentacionit për shërbimet publike.

Në kuadër të prioritetit të Qeverisë Shqiptare për përmirësimin e shërbimeve publike, thjeshtëzimin, optimizimin e procedurave dhe dokumentacionit si dhe në zbatim të urdhrat të Kryeministrit nr.158, datë 25.11.2019 prej Janarit 2021 e në vazhdim një numër i konsiderueshëm i shërbimeve publike, 1207 prej tyre tashmë ofrohen online në portalin qeveritar e-Albania. ADISA për vitin 2022 ka planifikuar asistimin në ri-inxhinierimin e shërbimeve publike të Inspektoriatit Shtetëror Shëndetësor. Në total në procesin e ri-inxhinierimit gjatë vitit 2022 është planifikuar përfshirja e 32 shërbimeve publike duke e çuar totalin e shërbimeve të ri-inxhinieruara

në 538. Ky aktivitet është realizuar plotësisht gjatë 12 mujorit të vitit 2022 sepse institucioni që ishte në fokus ka përfunduar procesin e dixhitalizimit të shërbimeve publike.

➤ Verifikimi i proceseve të punës për ofrimin e shërbimeve publike

Gjatë kësaj periudhe, ADISA ka qenë e angazhuar në popullimin e Platformës së Inventarizimit të Shërbimeve Publike (ISHP). Kjo Platformë është konceptuar si një ndërveprim mes institucionit dhe ADISA për shkëmbim të dhënash mbi shërbimet publike dhe mbledhjen e informacionit mbi afatet ligjore, tarifat, ku mund të aplikohet si dhe informacione të tjera për procedurat BO, të cilat do të përdoren në momentin kur institucionit do t'i nënshtrohen procesit të ri-inxhinierimit të shërbimeve publike. Informacioni i mbledhur nga Platforma ISHP do të shërbejë për të ndjekur në vijim procesin e ri-inxhinierimit të shërbimeve publike dhe standardizimit të shërbimeve publike, duke gjeneruar Kartelat Informative, si dhe Formularët e Aplikimit.

Sa më sipër, e në vijim të bashkëpunimit ndërinstitutional, ADISA është angazhuar në 3 faza, përkatësisht: (i) prezantimi i Platformës tek institucionet publike, (ii) Validimi i listës së shërbimeve dhe (iii) plotësimi i Platformës.

Gjatë periudhës raportuese ka vijuar procesi i bashkëpunimit me AZHBR-në, me të cilin është validuar lista e shërbimeve në bazë të Vendim nr. 101, datë 9.2.2022 “Për përcaktimin e kriterëve bazë të sektorëve që do të mbështeten dhe të masës së financimit nga fondi i programit për bujqësinë e zhvillimin rural, për vitin 2022” si dhe Udhëzimit-së nr. 1, datë 11.02.2021 për Skemat Kombëtare si dhe janë plotësuar rubrikat në platformë për 5 shërbimet e reja që ofron ky institucion. Në vijim të bashkëpunimit me institucionet janë hartuar dhe 2 kartela informative dhe konkretisht të Bibliotekës Kombëtare të Shqipërisë (BKSH) dhe Entit Kombëtar të Banesave (EKB). Tashmë në Qendrën e Informimit për Shërbimet Publike ADISA ofrohet informacion për në total 1207 shërbime publike, për të cilat japim informacion në kanale të ndryshme komunikimi.

Gjatë 12 mujorit të vitit 2022 ADISA ka qenë e angazhuar në procesin e inventarizimit të standardeve për institucionet shërbimofruese në zbatim të VKM-së Nr.525, 22.09.2021 “Për Përcaktimin e Fushës së Përgjegjësisë Shtetërore të Ministrit të Shtetit për Standardet e Shërbimeve” dhe nën drejtimin e Ministrit të Shtetit për Standardet e Shërbimeve Publike. Si hap i parë u hartua një formular, i cili iu dërgua 119 institucioneve shërbimofruese dhe kishte për qëllim marrjen e informacionit mbi gjendjen aktuale si dhe mënyrat e hartimit dhe miratimit të standardeve të shërbimeve publike. Në përfundim të analizës u konstatuan shumë problematika, ku më kryesori ishte që koncepti i “standardit” të shërbimeve publike nuk është i qartë për pjesën më të madhe të institucioneve.

Gjatë periudhës raportues vijoi procesi i identifikimit të standardeve të institucioneve shërbimofruese dhe krijimit të Metadata dhe Barometrit të cilësisë së shërbimeve publike si dhe në zbatim të urdhrit nr. 2, datë 19.01.2022, të Ministër i Shtetit për Standardet e Shërbimeve “Për ngritjen e grupit të punës për hartimin e pashaportës, platformës dhe metodologjisë dhe bashkërendimin me institucionet e tjera për monitorimin e implementimit të standardeve të shërbimeve” dhe Urdhërit nr. 239, datë 04.03.2022 “Për ngritjen e grupeve të Punës” për hartimin metodologjisë dhe pyetësorët të ndarë në dy kategori: pyetësori i përgjithshëm mbi funksionimin e institucionit dhe pyetësori në nivel shërbim u ngritën grupet e punës me qëllim asistimin e punonjësve të institucioneve publike në plotësimin e pyetësorëve në nivel institucioni dhe shërbimi, për 11 institucionet të përfshira në fazën e pilotimit. Në secilin institucionin u përzgjedhën një kampion shërbimesh ku janë përfshirë kategoritë kryesore, të dhënat e të cilëve

do të shërbejnë për të ndërtuar një model për matjen e nivelit të cilësisë së shërbimeve sipas indikatorëve/indeksit të përcaktuar. Në përfundim do të hartohet barometri dhe pasaporta e standardeve si dhe të monitorohet zbatimi i këtyre të fundit, si një nga prioritetet e Qeverisë Shqiptare.

Grupet e punës u angazhuan në procesin e verifikimit të të dhënave të vetdeklaruar nga 11 institucionet. Gjatë këtij procesi u validua një pjesë e përgjigjeve të deklaruar nga institucionet. Ky validim u krye në bazë të informacioneve të mbledhura në web institucioni, ADISA dhe portalit e-albania si dhe një pjesë në bazë të ekspertizës të anëtarëve të grupeve të punës. Në përfundim të këtij procesi u përgatit një material në Power Point ku u paraqitën fazat e procesit të metadata, problematikat dhe sugjerimet për ndërtimin e standardeve në ofrimin e shërbimeve.

Gjatë periudhës raportuese punonjësit e Drejtorisë Qendrore ADISA ka kryer një sërë trajnimesh mbi sistemin SQDNE dhe monitoron Sistemin e Qarkullimit të Dokumenteve me Nënshkrim Elektronik dhe raporton dy herë në ditë, në orën 9:30 dhe në orën 16:00 tek koordinatori përgjegjës i Bashkëqeverisjes mbi mbarëvajtjen e aplikimeve, të cilat i janë caktuar sipas institucionit që monitoron, bazuar në raportin model të përcaktuar nga ADB-ja.

Gjithashtu kanë bashkëpunuar me koordinatorin përgjegjës të Bashkëqeverisjes për të përpiluar në mënyrë ditore, raportin e monitorimit të aplikimeve dhe përcaktimin e personave përgjegjës, të cilët nuk kanë përmbushur afatet dhe për të identifikuar problematikat me aplikimet e prapambetura.

Përsa i takon punonjësve të Zyrave Rajonale/Vendore janë angazhuar në trajnime të vazhdueshme dhe më pas kanë vijuar me trajtimin e ankesave në platformën shqipëriaqeduam.al, të ndara me qarqe.

- Treguesi A.2 - Numri i shërbimeve të ofruara nga Qendrat e Integruara ndaj totalit të shërbimeve publike.

Sportelet e Zyrave Rajonale/Vendore ADISA ofrojnë asistencë për rreth 1207 shërbimet publike të pushtetit qendror dhe 70 të tilla të pushtetit vendor që aplikohen nëpërmjet portalit qeveritar e-Albania, për një total prej 1277 shërbimesh.

ADISA gjatë periudhës raportuese ka qenë e angazhuar në hartimin dhe negocimin e marrëveshjeve të bashkëpunimit me institucionet e administratës publike për përmbushjen e standardeve në ofrimin e shërbimeve. Në këtë kuadër është nënshkruar Marrëveshja e Bashkëpunimit me Drejtorinë e Përgjithshme të Markave dhe Patentave, ku për shkak të natyrës së shërbimeve që ofron ky institucion, sportelistët e Qendrave ADISA janë trajnuar për t'i ardhur në ndihmë biznesit për regjistrimin e markës.


Gjithashtu janë zhvilluar komunikime të vazhdueshme dhe më pas janë hartuar Marrëveshjet e Bashkëpunimit me DPSHTR-në për përfshirjen e tyre në Qendrat e Integruara ADISA Himarë, Malësi Madhe, Kamëz si dhe Zyra Rajonale Tirana 2.

Sipas planifikimit buxhetor afatmesëm (2022 – 2024), për vitin 2022 ishin parashikuar 1207 shërbime qendrore dhe 70 vendore, në total në Qendrat ADISA. Ndërkohë që nga Janari 2022 e në vazhdim shumë shërbime kaluan online duke e çuar totalin e shërbimeve në Qendrat ADISA

në 1207 shërbime qendrore dhe 70 vendore. Bërja e shërbimeve online ndikoi në rritjen e menjëhershme të numrit të shërbimeve të ofruara ne Qendrat ADISA si dhe tejkaloi parashikimin. Gjithashtu në sportelet ADISA ofrohen dhe shërbime publike, të cilat nuk ofrohen online nëpërmjet portalit e-albania

- Treguesi A.3- Rritja e kënaqësisë së qytetarëve në marrjen e shërbimeve të ofruara nga Qendrat e Integruara ADISA

Gjatë 12 mujorit të 2022 është realizuar matja e kënaqësisë qytetare pranë Zyrës Rajonale Tiranë 1 (Shkurt 2022). Qytetarët janë shprehur 14% “Shumë të kënaqur” dhe 86% “Të kënaqur”. Më poshtë paraqitja grafike e realizimit të sondazheve të drejtpërdrejta:



- Treguesi B.1 –Numri i Qendrave/Njësive të Ofrimit të Shërbimeve Publike të Integruara.

Numri i Qendrave/Njësive të Ofrimit të Shërbimeve Publike të Integruara Integruara - ADISA aktualisht numëron 10 qendra të integruara (One Stop Shop) të ngritura në rang vendi, përkatësisht në Tiranë, Shkodër, Gjirokastrë, Krujë, Kavajë, Fier, Kombinat, Lushnjë, Elbasan dhe Kamëz.

- Treguesi B.2 – Numri i Bashkive (jo qendër-qarku) në të cilën ADISA është prezent nëpërmjet sporteleve të saj.

Përveç qendrave të integruara, ADISA nëpërmjet ekranit të dyfishtë, në këto sportele asistohen qytetarët në procesin e aplikimit për shërbime publike përmes portalit qeveritar e-albania si dhe për përcjelljen e ankesave nëpërmjet portalit Shqipëria Qe Duam.al. Vlerë e shtuar për qytetarët e bashkive në të cilat është prezentë ADISA nëpërmjet sporteleve të përbashkëta me bashkitë, është ofrimi i shërbimeve vendore dhe qendrore në një vend të vetëm në ambiente bashkëkohore të standardeve Evropiane, me sistem elektronik të menaxhimit të radhës dhe infrastrukturë të përshtatur për personat me aftësi të kufizuara.

Aktualisht ADISA është e pranishme në 13 (trembëdhjetë) bashki jo qendër qarku: Maliq, Belsh, Patos, Librazhd, Divjakë, Malësi e Madhe, Kukës, Pogradec, Mat, Roskovec, Kolonjë, Tepelenë dhe Himarë.

- Treguesi B.3 – Numri i kartelave informative të standardizuara për shërbimet publike (Janar – Dhjetor 2022)

Gjatë periudhës raportuese, ADISA ka hartuar 7 *kartela informative* për 3 *institucione*. Konkretisht për Agjencia për Zhvillim Bujqësor dhe Rural (AZHBR), Biblioteka Kombëtare e Shqipërisë (BKSH), Enti Kombëtar i Banesave (EKB).

Në total, numri i kartelave të standardizuara nga ADISA është 1207 për 65 institucione publike.

KARTELA INFORMATIVE TË HARTUARA (JANAR – DHJETOR 2022)		
Nr.	Institucioni	Kartela
1	Agjencia për Zhvillim Bujqësor dhe Rural (AZHBR)	5
2	Biblioteka Kombëtare e Shqipërisë (BKSH)	1
3	Enti Kombëtar i Banesave (EKB)	1
	TOTALI	7

- Treguesi B.4 – Numri i formularëve të aplikimit, të standardizuar për shërbimet publike.

Gjatë kësaj periudhe, ADISA ka hartuar 1 *formularë të ri* për 1 *institucion*. Konkretisht për *Ministrinë e Shëndetësisë dhe Mbrojtjes Sociale*. Gjithashtu në periudhën raportuese janë përditësuar 7 formularë të Qendrës Kombëtare të Biznesit (QKB), si dhe 7 formularë të Ministrinë e Shëndetësisë dhe Mbrojtjes Sociale .

Numri total i formularëve të aplikimit të standardizuar është 363 për 47 *institucione*.

Nisur nga objektivi vendosur prej 380 formularësh për vitin 2022, ADISA, ka kapur shifrën e 363 formularëve, një realizim prej 95 %. Formularët e standardizuar përgjatë periudhës Janar – Dhjetor 2022, janë si në tabelën më poshtë:

Formularë aplikimi të standardizuar në periudhën Janar – Dhjetor 2022		
Nr.	Institucioni	Formularë
1	Ministria e Shëndetësisë dhe Mbrojtjes Sociale (MSHMS)	1
	TOTALI	1

- Treguesi B.5 – Matja e kohës së shërbimit në sportelet pritëse.


Gjatë 12 muajve të vitit 2022 është realizuar matja e kohës në Zyrën Rajonale Tirana 1. Nga matjet e kryera, rezulton se për një qytetar koha e aplikimit për një shërbim është mesatarisht 5 minuta.

• **Buxheti i miratuar dhe faktik për 12 mujorin e vitit 2022**

000/lekë

Buxheti 2022	Plan¹	Fakt	% realizimit
Paga	114,342.5	106,256.4	92.9 %
Sigurime Shoqërore	18,348.5	17,731.7	96.6 %
Mallra dhe Shërbime të Tjera	28,966.8	28,479.3	98.3 %
Transferta për Buxh. familiare e individët të paguara nga Instituc. dhe Pushteti Vendor	2,760	2,556.1	92.6 %
Shpenzime Kapitale me financim të brendshëm	6,500	5,012.4	77.1 %

¹ Buxheti Plan për 12 – mujorin është sipas ndryshimeve me akt normativ.



Fondi i Pagave dhe Sigurimeve Shoqërore (zërat 600+601) është realizuar në përputhje me strukturën, si dhe në zbatim të akteve ligjore dhe nënligjore në fuqi për trajtimin me paga të punonjësve. Siç shikohet dhe nga shifrat e vendosura në tabelë, kemi një realizim të kënaqshëm të këtyre dy treguesve, duke mundur plotësimin e plotë të nevojave për paga, sigurime shoqërore dhe shëndetësore.

Për periudhën e raportimit për artikullin 600 realizimi është 106,256,405 lekë dhe për artikullin 601 realizimi 17,731,722 lekë, që përkthehen në një realizim prej 92.9 % dhe 96.6 % të zërave

respektivë ndaj totalit të planifikuar për 12 mujorin. Ky realizim vjen si rezultat i numrit faktik së të punësuarve gjatë periudhës së raportimit si dhe pagesave respektive, si dhe fakti që disa punonjëse janë me leje barrë lindje, paguhen nga fondi i sigurimeve shoqërore.

Numri faktik i punonjësve të punësuar në fund të muajit Dhjetor 2022 është 153 persona. Brenda këtij numri janë përfshirë edhe 8 punonjëse me leje barrë lindje. Gjatë 12 mujorit të vitit 2022 janë punësuar si personel me kohë të plotë 13 punonjës. Të larguar nga puna gjatë kësaj periudhe kanë qenë 41 punonjës.

Fondi për shpenzime në mallra dhe shërbime (zëri 602), është realizuar në vlerën 28,479,335.6 lekë ose 98.3 % të planit të periudhës. Procedurat për blerjen e mallrave dhe shërbimeve të ndryshme, të nevojshme për ushtrimin e aktivitetit vjetor, janë realizuar nga komisioni përkatës në përputhje të plotë me ligjin e prokurimit publik dhe akteve nënligjore në zbatim të tij. Shpenzimet janë kryer periodikisht, sipas faturave të dorëzuara. Fondi i realizuar përfshin pagesat për procedurat e prokurimit për blerje, “Dietat brenda vendit”, “Shpenzime energji elektrike” (shtuar detyrimet për Qendrën e Integruar Kamëz), “Shërbim roje private”, “Shërbim postar”, “Shërbim telefoni”, “Shërbim mirëmbajtje automjeti”, “Siguracion automjeti”, “Shpenzime për ujësjellës kanalizime” (shtuar Qendra e Integruar Kamëz), “Shpenzim qera” (ambienti i Zyrave Rajonale Tiranë) etj.

Fondi për Transferta për Buxh. familiare e individët të paguara nga Instituc. dhe Pushteti Vendor (zëri 606), është realizuar në vlerën 2,556,112 lekë ose 92.6 % të planit të periudhës. Ky fond është përdorur për rast fatkeqësie (humbje të familjarëve) dhe për Vendimin nr. 898, datë 29.12.2022 për “Mbështetjen financiare të menjëhershme të njësisë të qeverisjes së përgjithshme dhe IALP”.

Fondi për Investime të brendshme (zërat 230+231) nga vlera 6,500,000 lekë është realizuar 5,012,398 lekë, ose 77.1 % për “Përgatitjen e projekt - zbatimit dhe preventivit për punimet në dhomën teknike të godinës ish - Hoteli Oficerave Tiranë” dhe për “Rikonstruksionin e dhomës teknike të godinës ish-Hoteli i Oficerave Tiranë”.

